

中国文献珍本丛书

中国书院志 (七)

全国图书馆文献缩微复制中心

中国书院志总目录

第一册

虞山书院志（卷一—卷五）

第二册

虞山书院志（卷六—卷十）

第三册

虞山书院志（卷十一—卷十五）

第四册

长沙府岳麓志（卷一—卷四）

第五册

长沙府岳麓志（卷五—卷八）

第六册

长沙岳麓书院续志

第七册

白鹿书院志（卷一—卷十）

第八册

白鹿书院志（卷十一—卷十九）

第九册

嵩阳书院志

第十册

东林书院志

第十一册

南溪书院志

〔嘉靖〕山西通志中所载书院

〔乾隆〕平定州志中所载书院

〔嘉靖〕徽州府志中所载书院

〔嘉靖〕山东通志中所载书院

〔雍正〕崇安县志中所载书院

第十二册

- [乾隆]贵州通志中所载书院
[嘉庆]湖南通志中所载书院
[光绪]保定府志中所载书院
[雍正]河南通志中所载书院
[康熙]商丘县志中所载书院
[康熙]江西通志中所载书院
[乾隆]吉安府志中所载书院
[同治]铅山县志中所载书院

白鹿洞志序

白鹿書院由來舊矣肇於

唐盛於宋沿于明迄我

朝有

御書之賜而制益大備幸值

聖天子文明之世一統有志一

省有志郡邑各有志至廬
山亦輯有志靡不載之甚
詳茲復有書院志者何曰
重道也孔孟之道惟朱子
集其大成而白鹿書院為
朱子設教之地精神所萃

登斯堂而遵斯教可爲學
道之津梁誠有如李忠毅
所云者則茲志不可以不
重顧舊志已弗可考即前
廖守遵忠毅原本輯爲一
書而版又不戒於火今星

子毛令自銓選引

見時敬承

天語即有志脩輯越五載而告
成余覽其於前志七則外
廣為十則繁簡得宜去留
各當則李崆峒先生所言

晦者晰脫者補遺者備亂
者統茲集已無遺憾又余
嘗以事至院與院中多士
論文課藝彬彬郁郁皆有
可造其各體

聖主崇儒至意遵朱子之規

進於聖賢之爲寧不能無
厚望焉爰回毛令之請而
書於簡端

康熙五十九年歲次庚子
夏六月巡撫江西等處地
方兼理軍務都察院右副

都御史加三級蓋平白潢
序



白鹿書院志序

合宇內名山鉅川及小丘絕壑奇偉幽秀
之觀皆佛老之徒之所盤踞而吾儒不與
焉以奇偉幽秀之觀畀釋老之徒使其窮
土木飾金碧動糜千億而儒者所隸祀典
宮室有制其齋潔祇事自春秋丁祭釋奠
釋菜外不數々然其用力省而為禮簡以
畧也則是異教果足以勝儒者之正學而

人心之趨向真怪僻不可知耶。此也。白鹿
書院在廬山五老峰下。蓋昔賢講學之所
也。其地背嶺臨溪。幽邃靈奧。實宇宙清泚
之氣。渟蓄而蟠結於此。為聖域賢關之所。
寄信不誣矣。夫廬阜周迴五百里。梵宇琳
宮。金碧輝映。遊人累月不能窮。然其時興
時廢。如浮雲之變幻。歲有常態。而鹿洞經
朱子講學。迨今六百年。俎豆弗絕。當事之

與賢育才者修缺補廢日以增加歲丁卯
我

皇上親灑宸翰有學達性天之額又以廷議
躋本主於十哲人々感動興起學惟朱氏
為超而中丞白公以清德重望建鉞鉞
土方將增學舍益廩祿為肄習久遠計其
屬吏亦奔走効力以後為羞予乃愈信異
教之不足以勝正而斯道與天地無窮果

不以世為興廢也。始予校士南康，事竣過
鹿洞謁紫陽祠。星子令毛君率肄業諸生
祇肅以俟。予知毛君益竭心力於斯文者
固與商確補苴以綿力勸，中丞公之一
二而有未處也。會毛君洞志新成，寄正於
予。樂夫正學之日昌，而予之遠際其盛
也，為之序而歸之。

賜進士第提督江西等處學政翰林院檢討加

一級前纂修

大清一統志

三朝國史奏

勅分修近體唐詩壬辰科會試同考試官翰林

院庶吉士梁南王思訓撰



大清一統志